



UNIVERSITÄTS-  
BIBLIOTHEK  
PADERBORN

**Lævini Torrentini, Episcopi Antverpiensis, Poemata Sacra**

**Torrentius, Laevinus**

**[S.l.], 1594**

Lævini Torrentii Hymnorvm De Pvero Iesv Liber Vnvs. Circuncisio Cal. Ian.

---

[urn:nbn:de:hbz:466:1-69329](https://nbn-resolving.org/urn:nbn:de:hbz:466:1-69329)



47

LÆVINI TORRENTII  
HYMNORVM DE PVERO IESV  
LIBER VNVS.

Circuncisio Cal. Ian.



Nvs letitie non satis est dies.  
Natalem colimus sancte puer tuum.  
Te nascente coorta est  
Humani generis salus.

Octanum croceis Luciferum rotis  
Aurora Oceano protulit, en adest  
Castus rite sacerdos,  
Cultellum & pateram ferens.  
Abrami veteris quod mon. ti sumus  
Exemplo, vetus & legis imperat  
Sacro carmine Moses,  
Quodq; omittere sit nefas,  
Prescripto puerum tempore conuenit  
Insigni celebrem reddere nomine,  
Et preputia scindi,  
Vulgata & facidum nota,  
Quam celo populis gratior omnibus  
Gens presert alacri non sine gaudio,  
Quod secreta profanis  
Atingit propius Deum.  
Qui pueros scelere & flagitiis amans,  
Pracisi monuit vulnere corporis  
Nos prauertere prauis  
Incursum animi graues.  
Vos mensam nitidis sternite linteis,  
Intortis alij cingite frondibus,  
Tu pulcherrima virgo  
E molli puerum sinu

Ausferri



Anferri patere, atque oscula sustine,  
 Quantumvis animo suavia, dum sacer  
 Munus triste minister  
 Secura peragit manu.

Implebit tremulis aethera questibus,  
 Humectans teneras lacrymulis genas,  
 Nec tu cernere mater  
 Hoc siccis oculis queas;

Quamvis aethereo sed genitum patre,  
 Postquam visceribus factus homo est tuis,  
 Ferre humana volentem,  
 Quodque est, esse hominem sine.

Non illum magis haec vulnera sauciant,  
 Quam matris gemitus, flebit acerbius  
 Ni suspiria cessant.  
 Nec longus fuerit dolor.

En rursus gremio compositum tuo.  
 Miscens blanditias ubera porrige,  
 Mox secura sequentur  
 Hausto oblinia nectare.

O anni liquidum principium novi!  
 Felici auspicio pulchrior it dies,  
 Quo tam certa soluti  
 Nostrae servitij est fides.

Non olim Phary sub domini iugo  
 Afflicti Isacidae tot tulerunt mala,  
 Gentem à stirpe tyrannus  
 Dum tolli studet improbus,

Quot casus miseri perpetimur graues,  
 Dum bello Stygius Iupiter ingruens  
 (Heu) mortalia corda  
 Vexat mille nocens modis.

Nos illi nimium viribus impares,  
 Quos culpa veteris debilitat nefas,  
 Et contagia ledunt.

Primis



Primis orta parentibus,  
 Sed culpam puer hic sanguine diluens,  
 Et poenam meriti quam sumus abrogans,  
 Hostem proteret; omni  
 Nos discrimine liberans.  
 Nam mortem moriens destruet, & suos  
 Aeternis Superum sedibus inferet,  
 Regnum rite perenne  
 Victrici statuens manu.  
 En legem patitur commodus asperam.  
 Accedunt gemitus, & lacryma, & cruor.  
 Hec exordia pugna  
 Qua seruabimur ardua.  
 Quod nomen referet nunc igitur suis  
 Hic dignum meritis? Ne quis id ambigat,  
 Fausto protulit ipse  
 Caeli nuncius omine.  
 Quo clarus veteres inter auos fuit  
 Pactos Isacidis qui tribuens agros,  
 Terram lacte fluentem,  
 Defessis requiem tulit.  
 Nos maiora manent, & melioribus  
 Aeterna auspiciis sancte puer tuus.  
 Tu seruator IESVS,  
 Tu CHRISTVS, populi salus.  
 Quam vox hec homini conueniens Deo!  
 O nomen placidum, nomen amabile,  
 Quo non suauius vllum  
 Puris insonat auribus.  
 Solatur superos, territat inferos,  
 Trans caelum, mare, terram, aëra permeans,  
 Naturamque volentem  
 Ducens quo voluit modo.  
 Sen leti nimis extollimur in bonis,  
 Sen masti nimis affligimur in malis,

D

QHA



DE PVERO IESU

Quæ res cunque dolore  
 Perturbant animum graui,  
 Nil Cois, magicis nil opus artibus.  
 Si tantum memori mente recurrerit,  
 Firmo nomen Iesu  
 Mentem constituet gradu,  
 Nec regum tumida demoueant mine,  
 Non quidquid Siculi supplicis graues  
 Inuenere tyranni,  
 Aut seui Pelopis domus.  
 Seu ferro lacerent corpus & ignibus,  
 Seu ponto, aut rabidis obiciant feris,  
 Mens inuicta triumphet,  
 Auctorem recolens suum,  
 Et claro resonans nomen anhelitu.  
 Quo audito pauide substiterint fera,  
 Nec iam perdere ferrum,  
 Aut flamma, aut valeant aqua,  
 Vitam ni placidus dissoluat Deus,  
 Extremis animos indomitos malis  
 Ad caelestia regna  
 Sublimi rapiens manu.  
 Latis excipient Calicole choris  
 Cinctos purpureis tempora floribus,  
 Fulgentesq; coronis  
 Quas felix meruit labor.  
 Tantis o vtinam Christe fruar bonis?  
 Tu prodesse velis post cineres mihi,  
 Casto carmine vates  
 Nomen quod colui tuum.

Tres Persarum Magi.

QVIS ille qui non gaudeat,  
 Lyraq; latius personet?

Iessa



*Iessaa radix floruit,  
Quiq; inde fructus prodiit  
Impleuit orbem gloria.*

*Dauidis alto stemmate  
Vrbs Bethla regem protulit,  
Qui matre natus virgine,  
Felicis auctor saculi,  
Instauret humanum genus.*

*Videre terra Principem  
Tanto expetitur tempore.  
Sed originem calo trahit,  
Frustraq; terris querimus  
Calo nisi inuentum prius.*

*Attolle calo lumina.  
Depictus illic est Deus,  
Deiq; imago filius  
Qui patris unicum decus.  
Vis, splendor, & potentia est.*

*Attolle calo lumina,  
Quò differas à belluis.  
Affixa turpi mens solo,  
Curisq; semper vilibus  
Depressa, viuens mortua est.*

*Attolle calo lumina.  
Nunquam hoc tibi non proderit,  
Sed causa nunc subest recens  
Cur astra nos inuet magis  
Recto tneri vertice.*

*En nuper exortum iubar  
Cui cuncta cedunt sidera,  
Contraq; non Iouis vigor,  
Non ignis audet Mercuri,  
Non Hesperus contendere.*

*Nil stella frigidi senis,  
Nil Martis ardor seruidi*



*Triste, aut cruentum cogitant.  
Quod Christus astrum prætulit  
Latè serenat omnia.*

*Nec nocte tantùm pallidam  
Fulgens in umbrat Cynthiam,  
Sed luce perdurans diem  
Illustrat, & mirabili  
Splendore Solem prouocat.*

*Hæc signa primùm prouidi  
Sensere Persarum Magi,  
Quà pictus auro vitreis  
Et nectar & spirans rosas  
Eous undis exilit.*

*Gens prisca, gens pulcherrimis  
Exculta semper artibus,  
Intenta calo, sordido  
Auersa questu, & patrios  
Seruare mores pernicax.*

*Quod (inquiunt) mortalibus  
Fauore posset Calitum  
Maius parari gaudium?  
Ille ille Christus nascitur,  
Sperata Iudeis salus,  
Speranda deinde ceteris  
Latè per orbem gentibus.  
Nam quisquis hunc agnouerit  
Quocunque terra limite,  
Æterna referet præmia.*

*Quin imus ergo, & visimus  
Tanto potentem numine?  
Qui solus astris imperans,  
Cælique cursum temperans,  
Solutus gubernat omnia.*

*Sic fati adornant munera,  
Longæq; præsidium via.*



Nec mora, parati lucidam  
 Quâ stella signabat, viam  
 Fausto sequuti sunt pede.

Sed Solyma postquam venerant,  
 Optata scitatum loca,  
 Quam rura seruarant ducem  
 Vrbs hanc superba, & perfidi  
 Herodis aula perdidit.

Vicina nescit Isaci  
 Stirps Persa quod procul videt,  
 Auditq; pastor peruigil  
 Quod ditis incola oppidi  
 Securus ignorat sui.

Sed vrbs egressis solum  
 Bethlea versus mœnia  
 Se flamma rursus obtulit,  
 Rursus fruendam prodidit,  
 Maiore lucens gratia.

Latantur illi, turbido  
 Secum putantes pectore  
 Qualem reperturi domum,  
 Fortuna quæ parentium,  
 Quanta aut clientum copia,  
 Quando repente substitit  
 Iubar retorto lumine  
 In proxima culmen caesæ,  
 Inuenta quod erat arguens  
 Augusta Christi regia.

Non illa fulgens purpura,  
 Non auro & argento nitens,  
 Gemmisq; Rubri litoris,  
 Aut picta venis marmorum,  
 Turbæve seruorum strepens,  
 Sed pauperis pars villula  
 Deserta, squallens, horrida.



Tum parvus in cunis puer.  
 Huic virgo mater assidens,  
 Custos & amborum senex.  
 Hic coepta tunc exordiis  
 Quae regna nunc ingentia,  
 Nec clausa terris, nec mari,  
 Super alta tendunt sidera,  
 Sedemq; contingunt Dei.  
 Non asper hic cultus tamen  
 Heroes illos terruit.  
 Res inter arctas nam magis  
 Elucet, & sensum ferit  
 Divina pollens gloria.  
 Inflexo adorant poplite  
 Quem mater in sinu gerit.  
 Dein dona promunt mystica.  
 Tus Numen, aurum Principem,  
 At myrrha mortalem notat.  
 Saluete Persarum decus,  
 Saluete mundi lumina,  
 Exorsa per quos omnium  
 Dum ritè Christum queritis  
 Vbique gentium salus.  
 Qui nunc in aula Celitum,  
 Cincti coronis aureis,  
 Longoq; compti sirmate,  
 Agmen sacratum ducitis,  
 Toto eminentes vertice.  
 Assurgit ipse illustrium  
 Bis sex Senatus principum,  
 Vestro quòd exemplo ferum  
 Orbem facilius impiis  
 Auerterint à cultibus.



## Christi in Ægyptum fuga.

GA VDENS somnifero murmure fontium,  
 Et cantu volucrum dulce strepentium,  
 Sparsisq; in viridi gramine floribus,  
 Ac nigris nemorum comis  
 Raro nobilium tecta subit Quies.  
 Deterret comitum turba procacium,  
 Seruorumq; greges multa minantium,  
 Et plena strepitus domus,  
 Deterrent Tyria fulgura purpura,  
 Tristes excubie, ianitor improbus,  
 Ferrataq; fores, & super omnia  
 Aspectus domini grauis.  
 Seu sella tumidus presidet aurea,  
 Seu lecto recubat tornus eburneo,  
 Quocunque ingreditur, quidquid agit, tamen  
 Circumstant Tremor & Pavor.  
 Quae quis tam patiens quin animo ferat  
 Commoto, increpitans, Prò pudor! ò nefas!  
 Solisne vsque adeo diuitibus bene est,  
 Solis pauperibus male?  
 At quanto satius sub cute quod latee  
 Vulnus nos oculis cernere Lynceis  
 Quam pulchri specie fallier, & suis  
 Blandiri miseros malis?  
 Non hæc agricolis nota fidelibus,  
 Olim ut Fabriciis, & Curiis, lues,  
 Quorum sollicita rura colunt manus  
 Fraudem neçtere nescia,  
 At mentem placidam sancta tenet Quies.  
 Adiungunt tacito se comites gradu  
 Prudens Simplicitas, nudaq; Veritas,  
 Et Pax, & Pudor, & Fides;

D 4

Not



Non illic scelerum mens sibi conscia  
 Pœnarum assiduo concutitur metu  
 Turgetq; Icario non leuius freto  
 Cum trux incubuit Notus.

Exemplo probat hoc Antipatri genus  
 Herodes, animis atque opibus ferox,  
 Et qualis foris est, atque oculis patet,  
 Fortuna specimen bona,

Ast intus foricis fœdior omnibus.  
 Infelix, miser ah, & toties miser  
 Ipsum se quoties respicit impotens,  
 Et regni meminit sui.

Cui semper metuens semper atrocibus  
 Dat pœnas lacero corde doloribus,  
 Heredem audierat quem fore non suum,  
 Ni tradat puerum neci,

Ignotum sibi. Quod ne impediatur tamen,  
 Mortem vni meditans, obicit omnibus  
 Quos Bethle spatio non nimium breui  
 Materno ediderat sinu.

Infandum facinus. Sed bene quod suis  
 A natis quoque non abstinuit furens,  
 Ac tandem neque se, nec famulos ferens  
 Infernas abiit domos.

Calesti puero quid tamen obfuit?  
 Quem mater tepido tanta gerens sinu,  
 Casti consiliis atque ope coniugis  
 Felici eripuit fuga.

Tres tantum numero, virgo, senex, puer,  
 Imbelles, inopes, presidio sine,  
 Per fœta insidiis, fœta periculis  
 Egyptum penetrant, loca

Securi. quidem Calicolum manu  
 Protecti metuant, aut trepident boni?  
 Non Martis rabies, non populi furor,

Non



Non Regum horribiles minae  
 Obstando efficiunt quos voluit semel  
 Decreto auxilio non inuenit ut Deus,  
 Dum contra caueant ne solitis pium  
 Fraudent obsequiis Deum.

Sic inter Pharios non male commodum  
 Sortiti hospitium, frivola negligunt,  
 Hoc tantum satagunt, ut pueri bona  
 Seruent depositum fide.

Norant aethereo progenitum patre,  
 Et caelo esse datum consilium fuga.  
 Confidunt pariter pro reditu fore  
 Tutam per Superos viam.

Quo solatiolo rebus ab asperis  
 Enasci solitam tristitiam fugant,  
 Et paruo tenues sub Lare diuitum  
 Magnas praterunt domos.

Ipse infans roseam virginis aureae  
 Cervicem teneris brachiolis tenens  
 Cum dat, cum repetit suavia, mollibus  
 Fixis ora premeus labris,

(Infans sed Deus, & principio carens,  
 Et matrem reuerens, sed Superos regens)

Hisne illa imperium diuitis India  
 Tantis praterulerit bonis?

En lactens Deus, en virgo puerpera.  
 Ecquid vel stupidum quod moueat magis?  
 Celestum obuolitant alituum leues,  
 Et plaudunt dominis chori,

Et nos degeneres, quorum agitur salus,  
 Cessamus? Tremulis dicite vocibus,  
 Tu virgo genitrix, tu puer o Deus,  
 Nostris ferte malis opem.

Si necdum satis est, & meriti sumus  
 Pciora (heu, fateor) quod tamen equitas,

D 5

Quod



Quod spondet pietas, parcite, parcite.

Summa est parcere gloria.

Nec vestris alia est meta laboribus,

Curisq; & studiis propositus scopus,

Quam qua flagitio contrahitur graui

Culpam ut gratia diluat.

Infantes ab Herode occisi.

AT o supreme rector orbis, ardua

Sic cuncta temperans manu,

Ut nil sit usquam, nil vel accidat, tua

Quin inde crescat gloria,

Quid iste fert tumultus & repens furor?

O rem nefandam & impiam!

Externa non Mars bella, non rixas mouet,

Ciuile nec struit nefas,

Pax alma terris regnat, haud secus tamen

Quam classico excitus truci

Stricto satelles ense sauit improbus,

Et ciuibus necem parat,

Regis satelles illius conuenerat

Quem rem tueri publicam,

Sed negligit, sed proprios vastat greges

Pudore proiecto furens

Atris tyrannus sauior serpentibus,

Aut si quid inuisum magis.

Quos nuper (inquit) huc profectos vidimus

Extrema abusque Perside

Celi peritos, & futuri praescios,

(Quod gentis unicum decus)

Vidisse magni regis astrum pradicant,

Qui natus his in finibus

Ablata nobis regna fortis occupet,

Totamque Iudaeam regat.



*Nec vana narrant. namque Davidis ferunt  
 Sperare regnum posteros.  
 Regemq; Bethla quem pusilla proferat,  
 Insigne laturum decus.  
 Hunc esse natum suspicor, certa & fides.  
 Nam quos redire par erat,  
 Et stare dictis, alia abierunt via,  
 Nostrisque nos fallunt dolis.  
 Sed faxo ut hec commenta mox nil iuuerint.  
 Vnum luisset quod caput,  
 Plectantur omnes. Omnibus casis, parem  
 Et ille fortunam feret.  
 Tollatur ille, quisquis est, & nuncium  
 Ad Inferos portet lacus.  
 Nam quid timere conuenit, si perdere  
 Quoscumque cum lubet licet?  
 Tollatur ille, & quotquot à biennio  
 Nati fuere proximo.  
 Sic futur. Audit miles, & ferrum rapit,  
 Bethlea tendens mœnia,  
 Agrosque Bethla. Quos cruentus obsidens,  
 Immane perficit scelus  
 Instar procella, quæ proterui turbido  
 Cum præliantur æthere  
 Venti tremendo concutit terram sono,  
 Et leta per campos sata,  
 Frugemq; verrit lacteam. At boum simul  
 Et villici perire labor.  
 Heu quantus alta sidera incendit dolor!  
 O dira Thracum pectora!  
 Quid non tyranni cogit aurum perfidas  
 Cum militum induit manus?  
 Quod vrbe capta vitat hostilis furor,  
 Armis ut imbelles petat,  
 Herodis en satelles ultrò flagitat,*

Gregem



Gregem innocentem perdere,  
 Necantur undis, igne, presso gutture,  
 Duro vel illisi solo,  
 Sed maior ense turba. nam gestit latro  
 Cruore ferrum tingere.  
 Quanquam nec altis inuenit plagis locum,  
 Et sanguis exit lacteus.  
 Sed quis minutos frangere artus est labor,  
 Tenuemq; vitam abrumpere?  
 Caduntur ut tenelle ad aras victima,  
 Ah cedis ignari sua,  
 Et forte, nota ut patris arrepti manu,  
 Ridentq;, & osculum parant.  
 Sed mater obstat, mater infelix sua  
 Propugnat ardens viscera,  
 Quid (inquiens) crudelis insontes petis?  
 Me me laceffentem feri.  
 Sic fata molli paruulum inuoluit sinu,  
 Et corpore obiecto tegit.  
 Sed instat ille toruus, & pullos velut  
 Cum seruat implumes auis  
 Contra mouentem bella serpentem, ferus  
 Cum matre fetum interficit.  
 Quid haec tyranne inuerint, si vincere  
 Humana vis Deum nequit?  
 Euadet ille quem reformidas Ducem  
 Tot vnus inter millia,  
 Euadet, & quae regna nil ad te attinent  
 Victrice condet dextera.  
 At tu peribis pessimis miser modis.  
 Nec morte cessabit dolor,  
 Sed mersus Orci fundo, ubi teterrimis  
 Secreta sedes Manibus,  
 Tot perferes tormenta quot nunc imperas  
 Cruenta demens funera.



Beata salue, sancta salue infantium,  
 Salue innocentium cohors,  
 Quos ille destinauit aequales suos  
 Qui matre natus virgine,  
 Flos virginum ipse, Christus, alma virgines  
 Exornat æquis gloria,  
 Vos præter omnes, lingua quem fari nequit  
 Fuso professos sanguine,  
 Ergo supremi parte cæli, lactea  
 Quâ lucidum fulget via,  
 Quâ picta dulci stillat uua nectare,  
 Quâ nectar exhalant rose,  
 Heroas ante, & ante cinctos purpura  
 Cælestis aula principes  
 Lati coronis luditis, & insignium  
 Mixti puellarum choris  
 Sacrum canentes itis Agnum candido  
 Quacunque præcedat pede.  
 At gaudet ille, gaudet, innocens sua  
 Qui morte mortem vicerit,  
 Victorq; clausi ruperit seras poli,  
 Patente cunctis regia  
 Qui mitis aut ut agnus, aut blandus puer  
 Sine fraude vitam duxerint.

Occursus Christi & Simeonis,  
 post. Cal. Febr.

ACCENSÆ rutilent faces,  
 Et stellas tremulo lumine pronocent,  
 Templi fornicibus sacri  
 Quæ pendent liquido lampades aëre.  
 Quadragesimus hunc diem  
 Sol leto retulit candidus omine  
 Ex quo iustitia inbar

Christus



Christus Tartareis nos tenebris nouo  
 Nascens eripuit modo,  
 Et seclum populis condidit aureum.  
 Virgo sancta, Dei parens,  
 Quamuis Sithonia candidior niue,  
 Quamuis sidere purior,  
 Et gemmis pariter pulchrior omnibus  
 Nil purgaminis indiges,  
 Lustrari puerum sed nec opus tuum,  
 Insons qui velut hostia  
 Nobis difficilem conciliet patrem,  
 Non te peniteat tamen.  
 Quod inssa faciunt lege puerpera  
 Id nunc sponte sequi tua.  
 Exemplum inuenient utile posteris,  
 Et mens ista humilis tibi  
 Aeternum pariet pro meritis decus.  
 En lustralis adest dies.  
 Lustrali puerum tempore conuenis  
 Delatum Solymas sacris  
 Pro templi foribus sistere, non tamen  
 Solenni sine munere.  
 Sed latis saliens victima pascuis,  
 Balantum soboles gregis,  
 Diti conueniens munus erit domo,  
 Tu censu tenui, & tua  
 Vel bini reluent vota columbuli,  
 Vel (qua connubij fides)  
 Amisso queruli compare turtures,  
 Et, pulcherrima munerum,  
 Quod nostri latitans tegmine corporis  
 Summi progenies Dei  
 Sese offert, simul & nos sociat Deo,  
 Iam virgo ingreditur viam,  
 Infantem tepido cuncta ferens sinu.

Quid



Quid cessas Simeon? grauem  
 Etate extimulent gaudia. nam tua  
 Audita Superis preces  
 Optatum referent protinus exitum.  
 O res mira! Senem trahit  
 Materno geritur qui gremio puer,  
 Nec fari potis alteri  
 Implet fatidico pectora numine.  
 Nam templum simul ac senex  
 Ascendens puerum viderat obuium,  
 Vlnis excipiens suis,  
 Et fufis acuens gaudia lacrymis,  
 En optatus (ait) dies.  
 Nunc letus moriar. Sic placitum Deo,  
 Qui vite satutum iubet  
 Compostum placida pace quiescere.  
 Nam quid iam morer amplius?  
 Quam celo sobolem pollicitus pater,  
 Omnis principium boni,  
 En gesto, en oculis intueor meis.  
 O ingens decus Isaci!  
 O quantum patria conferet hic sua!  
 Qui communis adest salus,  
 Et lumen populis praeferet omnibus,  
 Vt calo teneant viam,  
 Laturi emeritis digna laboribus.  
 Sed multi ah miseri nimis  
 Tam clari renuent signa sequi ducis.  
 Quos plaga feriet graui  
 Vltix immodica poena superbia.  
 At tu que genitrix tuo  
 Tantam nunc animo letitiam fues,  
 Heu quot te capient mala!  
 Qui maestam gemitus, que lacryma manent?  
 Nucronis veluti rigor

Alto



Alto si foderet pectora vulnere.  
 Sic fatus senior. Neque  
 Tanta solus erat praeo potentia,  
 Sed sexu in fragili quoque  
 Inuenta est eadem qua caneret, parens  
 Quam late aspicitur polus  
 Per terras referens inclita gloriam.  
 Magna illam populus stupens  
 Spectabat studio, qua tenera virens  
 Postquam perdidit virum  
 Aetate, haud aliis dedita nuptiis,  
 Sed se tota vouens Deo,  
 Hymnisq; & precibus sobria seruiens,  
 Non templo extulerat pedem,  
 Caestum meditans quam pote gaudia.  
 O quam conueniunt pares  
 Hinc Anna, hinc Simeon! Nunc quoque dexteras  
 Jungunt, & vaga fontium  
 Quam curuo trepidans lympha salit pede,  
 Quam suaves redolent rose,  
 Et perfusa nitent mille recentibus  
 Caeli prata coloribus,  
 Nunc laudes pueri, nunc genitrix tuas  
 Alternis iterant, nouo  
 Mulcentes Superum pectora carmine.

Christus puer docens in templo.

GRATA secundi redit aura veris,  
 Arua turgescent Zephyro, & pruinis  
 Qua modo horrebant vario renident  
 Pascua flore.  
 Surgit hirsutis coma nigra siluis.  
 Frondeum infelix philomela nidum  
 Ponit, argutum meditans canoro  
 Gutturis carmen.



En dies in se redeuntis anni  
 Maximus, lato populi frequentis  
 Notus accursu Solyma ad beatam  
 Diuitis urbem.

Quisquis antiqui satius est Abrami  
 Stirpe, qui Numen veneratur unum,  
 Gaudet, & festam parat otiosus  
 Condere lucem.

Inter accinctos ad iter tribules  
 Ponitur raptim comedendus agnus  
 Integer, nullis maculis, amaro  
 Non sine agrestis

Caule lactuca. Iubet hoc sacra  
 Lex, & hunc prisca tenuere morem,  
 Reddite quondam memores salutis,  
 Corniger ille

Cum Dei vates fera sub tyranno  
 Soluit indigna iuga seruitutis,  
 Victor ingentem referens perenni  
 Laude triumphum.

Magnus, at multo tamen ille maior  
 Cuius hic pollens opibus profundi  
 Equoris vasto refluxus hiatu  
 Diffidit undas,

Ceu per excelsi caua saxa montis  
 Isaci ducens genus, at prementem  
 Terga, conuoluens freta salsa, fluctu  
 Obruit hostem.

Hunc diem quis non celebret dierum  
 Optimum? Tuque o pia prater omnes  
 Virgo, caelesti veneranda partu,  
 Protinus urbem

Ipete, atque una properet maritus,  
 Quisque bis senos puer implet annos  
 Sit comes, iam nunc Solymam, atque anitum  
 Visere templum



Gestiens, nec se retinens paternas  
 Quin palam tractet memorandus artes,  
 Rite praludens operi quod omnem  
 Impleat orbem.

Ite felices, pia turba, sacri ex-  
 ordium regni. Sed enim peractis  
 Diva cum sacris comitata casto  
 Coninge mater

Patrios gaudens repetet Penates,  
 Sentiet carum sibi deesse natum,  
 Inter agnatos rata fors, & inter  
 Esse propinquos,

Queret, at frustra. neque enim supremo  
 Sole comparet, sed abest, & usque  
 Usque abest. Dulcem nequit illa ocellis  
 Carpere somnum.

Multa dum voluens animum huc & illuc  
 Cogitat, tandem placet vi coorto  
 Mane, cum calo fugiens refigit  
 Lucifer astra,

Magna que mesti tulerant viarum  
 Tedia indigno geminent labore,  
 Ora perfusi lacrymis, & agro  
 Corda dolore.

Creber it calo gemitus parentis,  
 Nate clamantis ubi nate cessas?  
 Nate quem finem statues meorum  
 Sancte laborum?

Non ego quod te genui volentem  
 Hunc meis posco meritis honorem.  
 Tute quam optasti tibi ne repente  
 Desere matrem.

Hec, & his fors an grauiora tristi  
 Voce dum iactat, gemuere silua,  
 Et fera, & mesto volucres replerunt  
 Aethera questu.



Sed nec apricis agit ille campis,  
Nec latet siluis, hominumque cœtus  
Vitat. Humana veniens salutem

Pergere genti,

Vrbe quarendus media. Neque istum  
Alma detrectat genitrix laborem.  
Paululum tardat pudor, ast amoris

Cedere flamma

Cogitur. Totam vaga lustrat urbem,  
Per fora, & vicos, per & angiportus  
Obuios carum rogans parenti

Prodere natum,

Nec quies. Ternos labor ille Soles  
Hausit, insomnes totidemq; noctes.  
Nec pares tanto poterant ferundo

Esse labori,

Cum piis ambo precibus sacratio  
Ritè facturi sua vota templo,  
Corde presago saliente, ab ipso

Limine magna

Filium cernunt populi in corona  
Ante grandænos agitare Patres  
Sacra quo vatum meditanda cuique

Carmina sensu,

Illa presertim quibus ad futurum  
Concinunt regem noua qui reducens  
Sacula & pacem ferat, & quietis

Otia terris.

Iamq; sublimi medius Senatu  
Differens magno attonitas stupore  
Omnium mentesq; oculosq; ubi in se

Verterat unum,

Mater accedens tremebunda, fufis  
Lacrymis actos memorat labores.

E 2

Ile



Ille sed perstar, potiora summi  
*Munia patris*  
 Debito matri antefereus honori.  
 Mox tamen letam sequitur, parentum  
 Subditus molli imperio, & tenelli  
*Legibus aui.*

Christi pueri obedientia in parentes.

**I**n proprios parentum  
 Quam sancta iura natos  
 Fundavit illa sollers  
 Natura, ne quis ausit  
 Aut provocare dictis,  
 Aut concitare factis,  
 Eumve eamve prima  
 Quos norit esse fontem  
 Originemq; vita!  
 Quod blanda ducit ultrò  
 Natura lex eodem  
 Compellit, atque acerbis  
 Extorquet æqua pœnis  
 Quod debeas amori.  
 Si non timore pœna  
 Moveris, aut amore,  
 Hunc intueri virgo  
 Cui mater est puellum.  
 A matris ore pendens  
 Huc torquet usque ocellos,  
 Totusq; amore languens  
 Suspirat usque matrem.  
 At quis putas puellus,  
 Quodue editus parente?  
 Parente, qui supremi  
 Super alta tecta cali  
 Solio sedens eburno,



Sceptroq; nixus aureo,  
Hunc, quantum est, potentia  
Dextra gubernat orbem.

Perennis hic perennem  
Voluit sibi esse natum,  
Aequanus ut parenti,  
Aequalis, atque consors,  
Et cuncta procrearet,  
Et procreata semper  
Seruaret, inquieto  
Dum saecula supplet actis.

Depingit ille terram  
Vario colore florum,  
Candentibusq; stellis  
Depingit ille Olympum,  
Attollit atque montes,  
Extendit atque valles,  
Conuestit arua fruge,  
Colles coronat vuis.

Ille aëri volucres,  
Quas pluma fert per auras,  
Immittit ille pisces  
Vndis, ferasq; siluis,  
A vertice vsque cali  
Imi ad profunda ponti  
Sua preferens opimo  
Ut fercula in triumpho.

At tam venusto & amplo  
Ne deesset in theatro  
Spectator, editarum  
Qui motus arte rerum &  
Fulgore tam benigno  
Applauderet parenti,  
Hominem sua ipse dextra  
Luto creauit vdo,



Qui particeps vigoris  
 Calestis atque flamma,  
 Dei instar vniuerso  
 Felix praesset orbi.  
 Servire iussa tellus,  
 Servire iussus ether,  
 Servire quicquid ambit  
 Fulgente Phœbus axe.  
 Felix ô ille felix,  
 Tanto eminens honore  
 Si gratus, ut decebat,  
 Agnosceret datorem.  
 Princeps sed ille nostra  
 Exordiumque gentis  
 Adamus (heu) maligni  
 Dum fraudibus colubri  
 Persuasa suadet vxor  
 Vetitum comesse pomum,  
 Ferox, superbus, amens,  
 Suae immemor salutis,  
 Quam criminis nefandæ  
 Labem induit pudenda  
 Contagione seros  
 Traduxit in nepotes.  
 At noster iste, virgo  
 Cui mater est, puellus,  
 Sine labe natus vlla,  
 Quo ceteri laborans  
 Fatale vulnus ipse  
 Suo abluens cruore,  
 Sanabit, atque reddet  
 Nos pristino nitore.  
 Peccarat ille fastu,  
 Divina iussa temnens,  
 Piabit iste fastum,



*Diuina iussa adimplens.  
Tenera en Deus puella  
Ut quilibet vel ima  
De plebe natus infans  
Obtemperat parenti.  
Veneratur illa natum,  
Celo quod ortus alto  
Se subdit ipse matri,  
Terrestri unde origo,  
Se subdit & marito,  
Qui fertur esse, matris,  
Quam magnus atq; pollens,  
Tam blandus atque mitis.  
Res mira, res stupenda!  
Diuina iuncta nostra  
Natura non laborem,  
Non corporis sacrati  
Tormenta, non atrocem,  
Nos ritè ut expiaret,  
Abominata mortem.  
Tu, quisquis es, superbum  
Ah pone pone fastum.  
Nam quisquis es, supremus  
Te maior ille celi  
Rex, puniens rebellem,  
Daus premia obsequenti.*